

6.3 Seirbhísí Tacaíochta Teaghlaigh/Teanga agus Seirbhísí Cúraim Leanaí

Ag leibhéal an teaghlaigh a thosnaítear ag tógaint pobaltheanga, mar a míníodh in 6.2 thuas. Taispeánann an taighde dúinn (féach siar go Mír 3) nach bhfuil dóthain clannaibh sa LPT seo ag tógaint a leanaí le Gaelainn chun go mbeadh pobal Gaelainne fós againn nuair a bheidh na daoine óga seo ag tógaint a gclainne féin amach anseo. Ní hamháin nach bhfuil dóthain clannaibh ag tógaint a gclann le Gaelainn anois, tá sé fíordheacair orthu siúd atá á dhéanamh an sprioc sin a chomhlíonadh. Tá roinnt mhaith cur síos againn ó thuismitheoirí atá ag tógaint a gclann le Gaelainn sa Ghaeltacht ar na dúshláin a bhaineann leis agus na constaicí a thagann ina dtreo (m.sh. SCT, 2007, Nic Cionnaith, 2008, Ní Dhoimhín, 2015, Mír 5 sa phlean seo). Is léir go bhfuil bearta ag teastáil sa réimse seo chun cur le líon na dteaghlach atá ag tógaint a leanaí le Gaelainn agus chun tacú níos fearr leo siúd atá á dhéanamh cheana féin.

D'éascair na bearta a leanas sa rannóg seo ó chruinnithe a reáchtáladh mar chuid den bpróiseas seo le coistí agus le heagraíochtaí tacaíochta teaghlaigh sa dúthaigh - le Coiste Ionad Tacaíochta Teaghlaigh Iarthar Dhuibhneach, le Stiúrthóir na scéime Tús Maith (Oidhreacht Chorca Dhuibhne) le Feidhmeannacht na Seirbhísí Sláinte, le Comharchumann Forbartha an Leith Triúigh, le Coiste Forbartha na Gaeilge Lios Póil, le Coiste Chomharchumainn Dhún Chaoin agus as grúpaí fócais a reáchtáladh le thuismitheoirí mar chuid den bplean seo . Tá cúig bheart sa rannóg seo agus tá siad sonraithe thíos i dTáblaí 6.3.1 go dtí 6.3.5. Is bearta iad seo a d'fhéadfaí a chur i bhfeidhm má fhostaítear Comhordaitheoir Teaghlaigh/larscoile mar chuid d'fheidhmiú an phlean seo agus má thacaíonn an stát leis an éileamh pobail chun seirbhísí sláinte/teaghlaigh a sholáthar as Gaelainn. Ní tharlóidh na bearta seo gan an saghas sin tacaíochta/struchtúr maoinithe.

Beart 6.3.1 Ionad Tacaíochta Teaghlaigh Iarthar Dhuibhneach a bhuanú: Comhordaitheoir Teaghlaigh/larscoile a fhostú

Réimsí	B, C, D, H,K	Critéir Pleanála Teanga	2,7,8, 9, 10,11,12
Eolas Breise/Cur Síos	<p>Seirbhísí Ionad Tacaíochta Teaghlaigh Iarthar Dhuibhneach a bhuanú agus a fhorbairt san ITT i mBaile an Fheirtéaraigh agus ar fud an LPT</p> <p>Is gá forbairt a dhéanamh ar Ionad Tacaíochta Teaghlaigh Iarthar Dhuibhneach a tógadh in 2014 mar thoradh ar obair dheonach an Choiste ITT atá ar an bhfód ó 2000. Is gá maoiniú a fháil chun Comhordaitheoir Teaghlaigh/larscoile a fhostú ann go lánaimseartha chun seirbhísí tacaíochta teaghlaigh agus iarscoile a chur chun cinn ann. Beidh na seirbhísí seo ag feidhmiú i gcomhar leis na seirbhísí réamhscoile agus cúram leanaí atá sa bhfoirgneamh cheana féin faoi choimirce Chomhar na Naíonraí Gaeltachta.</p> <p>Reáchtálfar seisiúin eolais do tuismitheoirí an LPT faoi sheirbhísí an Ionaid agus faoi na tacaíochtaí atá ar fáil dóibh chun níos mó Gaelainne a úsáid ag baile nó chun saibhriú Gaelainne a leanaí a chur chun cinn. Tabharfar gach tacaíocht agus comhairle do tuismitheoirí chun a gclann a thógaint le Gaelainn, ranganna Gaelainne dírithe ar tuismitheoirí agus ar obair bhaile a dhéanamh le leanaí san áireamh. Beidh cúrsaí tuismitheoireachta rialta ar siúl san Ionad faoi gach gné den dtuismitheoireacht, cúrsaí teanga san áireamh.</p> <p>Forbrófar na seirbhísí eile atá ar na bioráin don Ionad – seirbhísí iarscoile le réimsí leathan gníomhaíochtaí cultúrtha teangalárnaithe, club obair-bhaile, club léitheoireachta do leanaí, drámaíocht/amhránaíocht/rince/ceol (i gcomhar le OCD).</p>		

Leanfar ar aghaidh ag forbairt **ócáid na n-aosach** san ITT agus déanfar a thuilleadh nascanna idir **ócáidí na n-aosach agus imeachtaí na hóige** – deiseanna chun óige agus aosaigh an phobail a thabhairt le chéile agus saibhriú na Gaelainne a chur chun cinn i measc na hóige/na dteaghlach.

Tosnófar ag riaradh agus ag bainistiú an **bus pobail** atá ceannaithe ag an gcoiste ITT. Úsáidfear an bus seo chun tacú leis na seirbhísí tacaíochta teaghlaigh ar fad a bheidh á rith san Ionad agus ón Ionad i gceantair eile.

Tosnófar ag comhoibriú le **Feidhmeannacht na Seirbhísí Sláinte** cuid dá seirbhísí a thacaíonn leis an dteaghlach agus leis na haosaigh a chur ar fáil trí Ghaelainn san ITT.

Déanfar **comhordanáidiú ar an bpolasaí teanga** agus ar **bhainistiú teanga** imeachtaí an Ionaid trí chomhthuiscint a chinntiú idir na páirtithe leasmhara go léir a mbeidh baint acu le seirbhísí an Ionaid a sholáthar.

Cé go mbeidh an Comhordaitheoir lonnaithe san ITT i mBaile an Fheirtéaraigh, beidh an tacaíocht agus na seirbhísí a chuirfear ar fáil san Ionad á dtairscint do phobal an LPT go léir (trí nascadh leis na grúpaí pobail/comharchumannn san) agus beidh comhairle/comhoibriú/tacaíocht maidir le seirbhísí den tsórt céanna a chur ar fáil i **gceantair/paróistí eile sa LPT ar bhonn rialta, m.sh. Lios Póil, An Fheothanach, An Clochán, Ceann Trá, Dún Chaoin.**

Aidhm:	Réimse leathan seirbhísí tacaíochta teaghlaigh agus cúram leanaí a chur ar fáil faoi aon díon amháin agus aon pholasaí teanga amháin – ag tacú le clannaibh atá ag tógaint a leanaí le Gaelainn agus a thuilleadh clannaibh a spreagadh chun é sin a dhéanamh. Tacú/comhairle maidir le seirbhísí den sórt céanna ar fud an LPT.		
Príomhúinéir an bhirt:	Aonad nua na Pleanála Teanga (APTCT): Comhordaitheoir Teaghlaigh/larscoile an ITT		
Páirtithe leasmhara/ról:	Comhoibriú le Comhar na Naíonraí Gaeltachta (soláthar seirbhísí), Scéim Tús Maith /OCD (soláthar seirbhísí), FSS (soláthar seirbhísí), Coiste ITT (bainistiú agus soláthar seirbhísí), Comharchumann Forbartha Chorca Dhuibhne (tacaíocht agus bainistiú), An Roinn Ealaíon, Oidhreachta, Gnóthaí Réigiúnacha Tuaithe agus Gaeltachta (tacaíocht), Údarás na Gaeltachta (tacaíocht), tuismitheoirí agus leanaí (rannpháirtíocht)		
Saolré	Pleanáil agus ullmhúchán		Bliain 1
	Feidhmiú		Bliain 1-7
Costas measta in aghaidh na bliana	POST 2 & BUISÉAD	Costas measta iomlán	
Foinsí maoinithe	Roinn na Gaeltachta (An Phleanáil Teanga)		
Dúshlán an bhirt	Maoiniú cuí chun an duine ceart a fhostú agus an buiséad ceart a bheith ar fáil chun na seirbhísí/tacaíochtaí go léir a rith.		
Réiteach an dúshláin	Tábhacht an bhirt a dheimhniú arís agus arís eile.		
Monatóireacht ar éifeacht, cur i bhfeidhm agus rathúlacht an bhirt	Beidh dualgas ar an gComhordaitheoir Teaghlaigh/larscoile tuairisciú go rialta do Stiúrthóir an Aonaid Pleanála Teanga (Coiste an ITT) maidir le héifeacht na hoibre agus comhlíonadh na haidhme.		

Beart 6.3.2: Scéim Tús Maith (Oidhreacht Chorca Dhuibhne) a Fhorbairt

Réimsí	B,C,D,J,K	Critéir Pleanála Teanga	2,7,8,9,10,11,12
Breis eolais/Cur Síos	<p>Forbairt a dhéanamh ar sheirbhísí Tús Maith a reáchtálann Oidhreacht Chorca Dhuibhne</p> <p>Cuirfear leis na grúpaí súgartha Gaelainne do thuismitheoirí agus leanaí trí iad a reáchtáil in áiteanna difriúla sa LPT ó am go ham (m.sh. Lios Póil, Dún Chaoin, An Fheothanach, An Clochán, Ceann Trá). Leanfar ag mealladh agus ag spreagadh thuismitheoirí chun an Ghaelainn a úsáid mar theanga bhaile.</p> <p>Leanfar ag reáchtáil grúpaí súgartha agus imeachtaí do leanaí arb í an Ghaelainn a dteanga baile m.sh. Scléip an tSathairn. Méadófar ar mhinicíocht Scléip an tSathairn chun go mbeidh gréasán tacaíochta d’úsáid na Gaelainne ar fáil do theaghlaigh arb í an Ghaelainn a dteanga baile ar bhonn níos rialta. Tosnófar ag forbairt Scléip an tSathairn do leanaí níos sine chomh maith (8-12 bl.).</p> <p>Comhoibreofar le seirbhísí/tacaíochtaí an Ionaid Tacaíochta Teaghlaigh agus leanfar ag soláthar seirbhísí san Ionad. Déanfar fógraíocht ar sheirbhísí Tús Maith i gcomhar le seirbhísí an ITT ar mhaithe le feacht teanga a chothú agus ar mhaithe le breis clannaibh a mhealladh go dtí ócáidí Thús Maith/ITT.</p> <p>Forbrófar an scéim Cuairteanna Baile trí rannpháirtíocht a fháil ó na teaghlaigh a úsáideann an scéim. Lorgófar moltaí uathu chun an scéim a fhorbairt agus triailfear breis teaghlach a mhealladh chun an scéim a úsáid. Cuirfear cláracha oiliúna riachtanacha ar siúl do na Cuairteoirí Baile.</p> <p>Forbrófar agus foilseofar a thuilleadh áiseanna tacaíochta do chlannaibh atá ag tógaint a leanaí le Gaelainn – m.sh. CDanna, Cluichí Ríomhaireachta, Stair agus Dinnseanachas Chorca Dhuibhne.</p>		
Aidhm:	<p>Cur leis an ngréasán tacaíochta d’úsáid agus do shaibhriú na Gaelainne atá ar fáil sa LPT do theaghlaigh Ghaelainne agus do theaghlaigh ar mhaithe leo a thuilleadh Gaelainne a úsáid sa</p>		

	bhaile.		
Príomhúinéir an bhirt:	Foireann Tús Maith, Oidhreacht Chorca Dhuibhne		
Páirtithe leasmhara/ról:	Comhordaitheoir Teaghlaigh/larscoile ITT (comhoibriú), Comharchumann Forbartha Chorca Dhuibhne (tacaíocht), Coiste Forbartha Lios Póil (tacaíocht), Comharchumann an Leith Triúigh (tacaíocht), Feidhmeannacht na Seirbhíse Sláinte (Comhoibriú agus Tacaíocht), Roinn na Gaeltachta (Tacaíocht), Údarás na Gaeltachta (tacaíocht)		
Saolré	Pleanáil agus ullmhúchán	Bliain 1	
	Feidhmiú	Bliain 1-Bliain 7	
Costas measta in aghaidh na bliana		Costas measta lomlán	
Foinsí maoinithe	Roinn na Gaeltachta		
Dúshlán an bhirt	Easpa maoinithe (Post páirt-aimseartha atá ann faoi láthair). Easpa feasachta teanga		
Réiteach an dúshláin	Breis maoinithe. Breis feasacht teanga chomhtháite mar thoradh ar an bpróiseas pleanála teanga.		
Monatóireacht ar éifeacht, cur i bhfeidhm agus rathúlacht an bhirt	Coimeádfaidh Foireann Tús Maith cuntas/taifead ar fhorbairt imeachtaí na scéime agus ar rannpháirtíocht na dteaghlach agus cuirfear tuairisc rialta ar fáil do Stiúrthóir an Aonaid Pleanála Teanga .		

Beart 6.3.3: Oibrithe Naíolainne & Cúramóirí Leanaí: Struchtúr Feasachta Teanga, Oiliúnú & Dea-Chleachtais a fhorbairt

Réimsí	B, K	Critéir Pleanála Teanga	2,7,8,9
Eolas Breise	<p>Deiseanna comhoibrithe (feasacht agus oiliúint) a fhorbairt idir lucht bainistíochta agus foireann naíolainne agus cúramóirí leanaí sa LPT</p> <p>Reáchtálfar cruinniú/seisiún eolais agus comhoibrithe d'oibrithe agus lucht bainistíochta naíolainne agus do chúramóirí/feighlithe leanaí an LPT ag tús agus deireadh gach scoil bhliana. Míneofar tábhacht na réimse seo don bpleanáil teanga. Pléifear cumas teanga na leanaí, cleachtas teanga na seirbhísí, an timpeallacht teanga (áiseanna agus acmhainní), deacrachtaí agus tacaíochtaí atá ann maidir le bainistiú teanga na leanaí. Bunófar struchtúr tacaíochta/comhoibrithe idir na cúramóirí seo ar mhaithe le dea-chleachtais a scaipeadh san earnáil.</p> <p>Cuirfear eolas teagmhála ar fáil do thuismitheoirí (tríd an ITT/Scéim Tús Maith agus ar shuíomh idirlín LPTCT- Tobar Dhuibhne) do na feighlithe leanaí/cúramóirí leanaí a fheidhmíonn trí Ghaelainn. Spreagfar thuismitheoirí chun cúramóirí leanaí a úsáid a fheidhmíonn trí Ghaelainn agus a bhainistíonn teanga na seirbhíse, féachfar ar shlite chun tacú leis an iarracht seo trí méid áirithe lacáistí/deontais a bhronnadh ar thuismitheoirí a úsáideann seirbhísí a fheidhmíonn trí Ghaelainn agus a bhainistíonn teanga na leanaí.</p>		
Aidhm:	<p>Feasacht Teanga maidir leis an réimse thábhachtach seo a scaipeadh.</p> <p>Dea-chleachtas a roinnt maidir le cúram leanaí trí Ghaelainn agus bainistiú teanga na leanaí sna seirbhísí seo.</p> <p>Cleachtas agus timpeallacht teanga na seirbhísí a mheas agus bearta a cheapadh dá réir.</p> <p>An líon thuismitheoirí a úsáideann seirbhísí cúram leanaí trí Ghaelainn a ardach.</p>		
Príomhúinéir an	Aonad nua na Pleanála Teanga (APTCT): Comhordaitheoir		

bhirt:	Teaghlaigh/ larscoile an ITT		
Páirtithe leasmhara/ról:	Bainisteoir agus Foireann Naíolainne Comhar na Naíonraí Gaeltachta (CNNG) (tacaíocht agus rannpháirtíocht), foireann Naíolainne Áiseanna na hÓige (tacaíocht agus rannpháirtíocht), Cúramóirí leanaí príobháideacha an LPT (rannpháirtíocht), Tús Maith (tacaíocht), TUSLA (tacaíocht), Údarás na Gaeltachta (tacaíocht), tuismitheoirí (rannpháirtíocht)		
Saolré	Pleanáil agus ullmhúchán	Bliain 1	
	Feidhmiú	Bliain 1-7	
Costas measta in aghaidh na bliana	POST 2 & BUISÉAD	Costas measta Iomlán	
Foinsí maoinithe	Buiséad an ITT agus Údarás na Gaeltachta		
Dúshlán an bhirt	Na Feighlithe Leanaí/Cúramóirí a thabhairt go dtí na cruinnithe.		
Réiteach an dúshláin	Na cruinnithe a reáchtáil tríd an eagraíocht TUSLA nuair a bheidh ar na cúramóirí/feighlithe leanaí go léir a bheith cláraithe le TUSLA.		
Monatóireacht ar éifeacht, cur i bhfeidhm agus rathúlacht an bhirt	Ceapfar cathaoirleach/rúnaí ar an ngrúpa seo – oibrithe & lucht bainistíochta Naíolainne agus cúramóirí leanaí - agus iarrfar orthu tuairisc a chur ar fáil don gComhordaitheoir Teaghlaigh/ larscoile/Stiurthóir Pleanála Teanga gach bliain.		

Beart 6.3.4 Seirbhísí Teaghlaigh Feidhmeannacht na Seirbhísí Sláinte a fhorbairt as Gaelainn

Réimsí	B, H, K	Critéir Pleanála Teanga	3,7,13,18
Eolas Breise	<p>Seirbhísí Teaghlaigh an FSS a chur ar fáil as Gaelainn san ITT i mBaile an Fheirtéaraigh agus in áiteanna eile ar fud an LPT</p> <p>Déanfar comhoibriú idir an FSS agus Tús Maith chun an scéim “Community Moms” a reáchtáil an FSS a chur ar fáil sa LPT as Gaelainn. Faoi láthair tá an tseirbhís seo, ina dtéann oibríthe an FSS amach go dtí máithreacha nua chun tacaíocht tuismitheoireachta a chur ar fáil dóibh, á dhéanamh as Béarla.</p> <p>Comhoibreoidh an Comhordaitheoir Teaghlaigh/larscoile (ITT) leis an FSS chun roinnt seirbhísí a chuireann siad ar fáil do thuismitheoirí agus a leanaí – m.sh. tástálacha ag pointí éagsúla roimh aois scoile, seirbhísí teiripe urlabhra, tástálacha riachtanais speisialta, clinic dochtúirí do leanaí – a chur ar fáil as Gaelainn san ITT agus i gceantair eile sa LPT ar bhonn rialta.</p> <p>Forbrófar réimse de chúrsaí tuismitheoireachta as Gaelainn idir an ITT/FSS agus Bord Oideachas agus Oiliúna Chiarraí (BOOC)</p>		
Aidhm:	Cur leis na seirbhísí teaghlaigh atá ar fáil as Gaelainn. Seirbhísí tábhachtacha poiblí do leanaí agus a dtuismitheoirí (agus aoisghrúpaí eile) a chur ar fáil as Gaelainn do chainteoirí laethúla Gaelainne.		
Príomhúinéir an bhirt:	Aonad na Pleanála Teanga (APTCT): Comhordaitheoir Teaghlaigh/larscoile an ITT		
Páirtithe leasmhara/ról:	Feidhmeannacht na Seirbhísí Sláinte agus soláthróirí seirbhísí sláinte an LPT (tacaíocht agus rannpháirtíocht), Oifig an Choimisinéara Teanga (tacaíocht), Údarás na Gaeltachta (tacaíocht)		
Saolré	Pleanáil agus ullmhúchán	Bliain 1	
	Feidhmiú	Blain 1-3	

Costas measta in aghaidh na bliana	POST 2 + Buiséad	Costas measta iomlán	
Foinsí maoinithe	Buiséad an ITT agus FSS		
Dúshlán an bhirt	Easpa Gaelainne i measc na bhFeidhmeannach - FSS		
Réiteach an dúshláin	Ranganna Gaelainne spriocdhírthe a thairiscint do fheidhmeannaigh an FSS		
Monatóireacht ar éifeacht, cur i bhfeidhm agus rathúlacht an bhirt	Comhoibreoidh an Comhordaitheoir Teaghlaigh/larscoile leis an FSS chun na seirbhísí seo a sholáthar as Gaelainn, san ITT agus in áiteanna eile sa LPT chomh maith. Coimeádfar taifead agus déanfar fógairt ar na seirbhísí seo i measc an phobail. Cuirfear tuairisc ar fáil do Stiúrthóir an Aonaid Pleanála Teanga .		

Beart 6.3.5 Struchtúr Tacaíochta agus Feasachta a fhorbairt do ghrúpaí éagsúla Tuismitheoirí

Réimsí	B,D,K	Critéir Pleanála Teanga	2,7,8,11,12
Eolas Breise	<p>Struchtúr Tacaíochta agus Feasachta a fhorbairt do ghrúpaí difriúla tuismitheoirí</p> <p>Forbrófar straitéis feasachta teanga maidir le tábhacht na teanga ag leibhéal an teaghligh do thuismitheoirí. Déanfar é seo i gcomhar leis na seirbhísí réamhscolaíochta (CNNG), agus na scoileanna áitiúla. Cuirfear an t-eolas céanna seo i láthair tuismitheoirí ag gach pointe den luathchóras – an tseirbhís naíolainne/cúram leanaí, an réamhscolaíocht agus an scoil.</p> <p>Cuirfear seirbhís chomhairliúcháin ar fáil do thuismitheoirí maidir le slite chun úsáid na Gaelainne ag baile a chur chun cinn.</p> <p>Reáchtálfar ranganna/ceardlanna teanga do thuismitheoirí ar mian leo feabhas a chur ar a gcuid Gaelainne agus cuirfear slite cruthaitheacha os a gcomhair maidir le Gaelainn a thabhairt isteach sa tigh agus tacú lena leanaí.</p> <p>Forbrófar clár teanga dóibh a bheidh úsáideach dóibh ag gach leibhéal/bliain de réamhscolaíocht agus scolaíocht a gcuid leanaí (m.sh. bileog a scaipeadh ar thuismitheoirí le réamheolas ar an saghas teanga a bheidh in úsáid sa Naíonra, sna naíonáin, i Rang a hAon, Rang a Dó srl.).</p> <p>Leanfar ag cothú líonraí agus gréasán úsáide agus saibhrithe do thuismitheoirí atá ag tógaint a leanaí le Gaelainn cheana féin. Méadófar ar líon na n-ócáidí a chuirfear ar fáil dóibh (m.sh. cúrsaí tuismitheoireachta agus gnéithe teanga san áireamh) agus cuirfear iad i dteagmháil le grúpaí tuismitheoirí/struchtúr tacaíochta eile ar bhonn náisiúnta, m.sh. Tuismitheoirí na Gaeltachta i gConamara agus Gaeltacht Dhún na nGall chun dea-chleachtais a roinnt agus chun na dúshláin a bhaineann le</p>		

	leanaí a thógaint le Gaelainn a phlé.		
Aidhm:	Tacaíocht a thabhairt do thuismitheoirí atá ag tógaint a leanaí le Gaelainn agus a thuilleadh de thuismitheoirí an phobail a spreagadh chun é sin a dhéanamh		
Príomhúinéir an bhirt:	Aonad na Pleanála Teanga (APTCT): Comhordaitheoir Teaghlaigh/larscoile an ITT		
Páirtithe leasmhara/ról:	Comhar na Naíonraí Gaeltachta (tacaíocht), Cúramóirí Leanaí (tacaíocht), Bunscoileanna áitiúla (tacaíocht), Iarbhunscóil PCD (tacaíocht), Comharchumainn agus Coistí Forbartha Pobail i gceantair an LPT (tacaíocht), Tús Maith (tacaíocht), Stiúrthóir na Pleanála Teanga (tacaíocht), Údarás na Gaeltachta (tacaíocht), An Roinn Ealaíon, Oidhreacht, Gnóthaí Réigiúnacha, Tuaithe agus Gaeltachta (tacaíocht).		
Saolré	Pleanáil agus ullmhúchán	Bliain 1	
	Feidhmiú	Bliain 2-7	
Costas measta in aghaidh na bliana	Post 2 agus Buiséad	Costas measta Iomlán	
Foinsí maoinithe	Buiséad an ITT, Roinn na Gaeltachta, Údarás na Gaeltachta		
Dúshlán an bhirt	Tuismitheoirí a mhealladh chun freastal ar ranganna agus ar chruinnithe agus chun níos mó Gaelainne a úsáid ag baile.		
Réiteach an dúshláin	Cur chuige comhtháite idir an ITT/ Comhar na Naíonraí Gaeltachta/Tús Maith/OCD/ na bunscoileanna agus an iarbhunscóil chun an teachtaireacht chéanna agus an tacaíocht chomhtháite chéanna a sholáthar do gach seirbhís.		
Monatóireacht ar éifeacht, cur i bhfeidhm agus rathúlacht an bhirt	Coimeádfaidh an Comhordaitheoir Teaghlaigh/larscoile cuntas ar líon na dtuismitheoirí a úsáidfí na seirbhísí seo agus oibreofar leis na rannpháirtithe go léir atá sonraithe faoin mbeart seo chun cur le líon na dtuismitheoirí a bheidh rannpháirteach gach bliain.		